



TAJUK KHUTBAH JUMAAT

Siri: 15 /2024

MENERUSKAN KEMBARA TAQWA

12 April 2024

Bersamaan

Syawal 1445

**DIKELUARKAN OLEH:
JABATAN HAL EHWAL AGAMA
TERENGGANU**

PERINGATAN:

Adalah diingatkan bahawa sebarang penambahan dan pemindaan terhadap isi kandungan teks khutbah yang telah disediakan oleh Jabatan Hal Ehwal Agama Terengganu adalah **DILARANG**.

Khatib yang bertugas hendaklah menyemak kembali **RUKUN, AYAT AL-QURAN** dan helaian muka surat yang diterima. Pastikan teks dibaca terlebih dahulu sebelum menyampaikan khutbah.

KHUTBAH PERTAMA

أَحْمَدُ لِلَّهِ رَبِّ الْعَالَمِينَ، وَالْعَاقِبَةُ لِلْمُتَّقِينَ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ،
اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ سَارَ عَلَى
نَهْجِهِمْ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ وَاعْبُدُوهُ حَتَّى يَأْتِيَكُمُ الْيَقِينُ.

Marilah sama-sama kita meningkatkan ketaqwaan kepada Allah SWT dengan beristiqamah melaksanakan segala titah perintah-Nya dan menjauhi segala larangan-Nya, sehinggalah kematian mendatangi kita. Sesungguhnya sebaik-baik bekalan kematian ialah taqwa.

Khutbah pada hari ini akan membicarakan tajuk:

MENERUSKAN KEMBARA TAQWA.

Ikhwaniyal Muslimin,

Kita baru sahaja selesai menyempurnakan ibadat puasa Ramadan selama sebulan. Oleh itu, Khatib ingin mengajak sidang jumaat semua menilai sejauh manakah pencapaian ibadat yang telah kita laksanakan sepanjang bulan tersebut. Marilah kita menghisab diri sendiri dengan seadil-adilnya, apakah puasa yang telah kita tunaikan dalam masa sebulan itu telah berjaya menanamkan sifat taqwa di dalam diri kita?

Semasa berpuasa, kita sanggup bersabar menahan lapar dan dahaga serta perkara-perkara yang boleh membatalkan puasa lantaran mengabdikan diri kepada Allah SWT, walaupun perkara-perkara tersebut memang digemari oleh nafsu kita. Oleh yang demikian, setelah menjalani didikan Ramadan selama sebulan tersebut, adakah kita bersedia untuk terus patuh, beristiqamah menunaikan perintah Allah dan meninggalkan larangan-Nya dalam kehidupan kita selepas Ramadan?

Semoga didikan taqwa di bulan Ramadan lepas, menjadikan kita lebih berhati-hati dari menghampiri maksiat dan dosa kepada Allah. Jika tidak, adalah dibimbangi puasa yang kita tunaikan selama ini hanya sekadar memberikan lapar dan dahaga kepada kita.

Sidang muslimin yang dirahmati Allah,

Sayugialah kita memperteguhkan pengabdian diri kepada Allah SWT walaupun Ramadan telah berakhir; dengan kita menginsafi keagungan-Nya (Allah) dan menilik kedudukan diri kita sendiri. Dialah yang mencipta diri kita dan Dialah sahaja yang mengurniakan segala nikmat kepada kita. Tanpa kurnia Allah, diri kita tidak wujud dan tidak boleh berbuat apa-apa. Tanpa rezeki kurniaan-Nya, diri manusia tidak akan mempunyai apa-apa pun.

Yakinlah bahawa Allah itu Maha Penyayang kepada hamba-Nya. Semua perkara yang diperintah Allah, termasuk yang dihalalkan dan yang diharuskan adalah membawa kebaikan. Sementara semua perkara yang dilarang dan diharamkan akan membawa keburukan, sama ada kita mengetahui hikmah dan tujuannya, mahupun tidak.

Justeru, apakah kita bersungguh-sungguh menunaikan tanggungjawab terhadap Allah dengan penuh ikhlas dan khusyuk kepada-Nya? Apakah kita akan terus kekal mengejar taqwa, dengan mengabdikan diri dan beribadat kepada-Nya? Marilah kita menyahut seruan Allah sebagaimana firman-Nya dalam surah al-Baqarah, ayat 21:

يَا أَيُّهَا النَّاسُ أَعْبُدُوا رَبَّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ ﴿٢١﴾

Maksudnya: Wahai sekalian manusia! Beribadatlh kepada Tuhan kamu yang telah menciptakan kamu dan orang yang terdahulu daripada kamu, supaya kamu bertakwa.

Sidang muslimin yang dikasihi,

Mengakhiri khutbah pada hari ini, Mimbar Jumaat mengajak semua muslimin agar tetap meneruskan kembara taqwa yang kita lakukan di bulan Ramadan, pada bulan-bulan yang mendatang, dengan kita melakukan perkara-perkara berikut:

Pertama: Meneruskan keindahan sikap sabar kita dengan istiqamah kekal sebagai insan muslim penyabar dalam menunaikan segala suruhan Allah dan meninggalkan larangan-Nya, sabar dalam mengharungi segala ujian kehidupan di bulan-bulan yang akan datang.

Kedua: Menyuburkan keghairahan kita memakmurkan masjid dan surau dengan kita melakukan solat lima waktu secara berjemaah dan menghadiri majlis-majlis ilmu.

Ketiga: Mengekalkan kecemerlangan membaca dan bertadurus Al Quran dengan kita terus menjadikan Al Quran teman hidup seharian kita, membaca dan memahami kandungannya, serta berusaha menjadikannya panduan atau petunjuk dalam kehidupan kita.

Keempat: Terus memperkuat hubungan dengan Allah (حَبْلٌ مِّنَ اللَّهِ) yang telah kita bina sebelum ini dengan melakukan solat sunat, zikrullah, bersedekah dan puasa sunat, terutama puasa enam di bulan Syawal.

Kelima: Memperteguhkan hubungan sesama manusia (حَبْلٌ مِّنَ النَّاسِ), sepertimana yang kita lakukan di bulan Ramadan, dengan kita memperkuat tali silaturrahim, menjalin ikatan ukhuwwah sesama muslim dan tolong menolong sesama kita.

Semoga rumah Allah ini bakal menjadi saksi bahawa kita masih kekal mengimarahkannya dengan solat berjemaah pada setiap waktu. Mushaf al-Quran juga akan terus menjadi teman dan dibaca setiap hari pada masa-masa yang kita jadualkan. Tabung-tabung khairat dan sahabat-sahabat kita yang kesempitan hidup pula, bakal terus menerima sikap budiman kita. Ameen Ya Rabbal Alamin.

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّ الَّذِينَ قَالُوا رَبُّنَا اللَّهُ ثُمَّ اسْتَقَمُوا فَلَا خَوْفٌ عَلَيْهِمْ وَلَا هُمْ يَحْزَنُونَ

﴿١٣﴾ أُولَئِكَ أَصْحَابُ الْجَنَّةِ خَالِدِينَ فِيهَا جَزَاءً بِمَا كَانُوا يَعْمَلُونَ ﴿١٤﴾

Maksudnya: Sesungguhnya orang yang berkata: Tuhan kami ialah Allah, kemudian mereka tetapkan pendirian (istiqamah), maka tidaklah mereka takut, dan tidak akan berdukacita. Merekalah ahli syurga, tetap kekalah mereka di dalamnya, sebagai balasan bagi amal-amal salih yang mereka telah kerjakan.

(Surah al-Ahqaf: Ayat 13-14)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،
وَتَقَبَّلَ اللَّهُ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ،
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ،
وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ،
فَأَسْتَغْفِرُوهُ، إِنَّهُ هُوَ الْغَفُورُ الرَّحِيمُ.

KHUTBAH KEDUA

الْحَمْدُ لِلَّهِ رَبِّ الْعَالَمِينَ. وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ، وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ فَقَدْ فَازَ الْمُتَّقُونَ.

Sidang Jumaat yang dirahmati Allah,

Pada hari yang mulia ini, sayugialah kita menghitung amalan dan kehidupan kita. Apakah amal bakti yang telah kita lakukan dan apakah pula peluang-peluang kebajikan yang terluput dari kita? Sesungguhnya masa yang telah luput tidak akan dapat dikembali lagi, sedang usia yang masih berbaki semakin menghampiri mati.

Wahai orang beriman, tidak sampaikah lagi masanya untuk kita meninggalkan kelalaian dan bersegera menunaikan hak-hak kehambaan kita kepada Allah SWT? Tidakkah tiba masanya untuk kita bertaubat kepada-Nya dengan sebenar-benar taubat?

Marilah sama-sama kita bertekad menjalani kehidupan kita dengan penuh ketaatan dan kebajikan. Semoga Allah melimpahkan taufiq dan inayah-Nya kepada kita semua.

Sidang jumaat sekalian,

Marilah juga kita memperbanyakkan ucapan selawat dan salam kepada Rasulullah SAW sebagaimana firman Allah dalam surah al-Ahzab ayat 56:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ، وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ، وَعَلَى آلِ سَيِّدِنَا إِبْرَاهِيمَ، وَبَارِكْ عَلَى سَيِّدِنَا مُحَمَّدٍ، وَعَلَى آلِ سَيِّدِنَا
مُحَمَّدٍ، كَمَا بَارَكْتَ عَلَى سَيِّدِنَا إِبْرَاهِيمَ، وَعَلَى آلِ سَيِّدِنَا إِبْرَاهِيمَ فِي الْعَالَمِينَ،
إِنَّكَ حَمِيدٌ مُجِيدٌ.

اللَّهُمَّ اغْفِرْ لِلْمُؤْمِنِينَ وَالْمُؤْمِنَاتِ، وَالْمُسْلِمِينَ وَالْمُسْلِمَاتِ، الْأَحْيَاءِ مِنْهُمْ
وَالْأَمْوَاتِ، إِنَّكَ سَمِيعٌ قَرِيبٌ مُجِيبُ الدَّعَوَاتِ.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْفَحْشَاءَ مَا لَا يَصْرِفُهُ غَيْرُكَ.
اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنَ السَّيِّئِ الْأَسْقَامِ. اللَّهُمَّ
اشْفِ مَرَضَانَا وَارْحَمْ مَوْتَانَا، وَالطِّفْ بِنَا فِيمَا نَزَلَ بِنَا.

اللَّهُمَّ احْفَظْ مَوْلَانَا الْوَاتِقَ بِاللَّهِ السُّلْطَانَ مِيزَانَ زَيْنِ الْعَابِدِينَ، ابْنَ الْمَرْحُومِ
السُّلْطَانَ مُحَمَّدٍ الْمُكْتَفَى بِاللَّهِ شَاهٍ، وَأَنْزِلِ الرَّحْمَةَ عَلَيْهِ وَعَلَى السُّلْطَانَةِ نُورِ
زَاهِرَةِ، سُلْطَانَةِ تَرَغْكَانُو.

وَاحْفَظْ أَوْلَادَهُ وَأَهْلَهُ وَرِعَايَاهُ مِنَ الْمُسْلِمِينَ وَالْمُسْلِمَاتِ فِي الدُّنْيَا وَالْآخِرَةِ،
بِرَحْمَتِكَ يَا أَرْحَمَ الرَّاحِمِينَ.

اللَّهُمَّ احْفَظْ وِلْيَ الْعَهْدِ تَعَكُّو مُحَمَّدَ إِسْمَاعِيلَ ابْنَ الْوَاتِقِ بِاللَّهِ السُّلْطَانَ مِيزَانَ
زَيْنِ الْعَابِدِينَ.

اللَّهُمَّ أَعِزِّ الْإِسْلَامَ وَالْمُسْلِمِينَ، وَأَذِلَّ الْمُعْتَدِينَ الظَّالِمِينَ، وَدَمِّرْ أَعْدَائِكَ
أَعْدَاءَ الدِّينِ، وَانصُرْنَا عَلَيْهِمْ يَا رَبَّ الْعَالَمِينَ. اللَّهُمَّ انصُرْ إِخْوَانَنَا الْمُسْلِمِينَ
وَالْمُجَاهِدِينَ فِي فَلَسْطِينَ وَفِي كُلِّ مَكَانٍ.

Ya Allah,

Kami memohon hidayah dan petunjuk ke jalan kebenaran. Tetapkanlah iman kami di dalam agama-Mu. Basahilah lidah kami dengan bacaan al-Quran dan zikir kepada-Mu. Jadikanlah akhlak junjungan besar Nabi Muhammad SAW sebagai ikutan kami. Pereratkanlah hubungan sesama kami, saling bekerjasama dan bantu membantu dalam kebajikan dan taqwa.

Ya Allah

Jadikanlah negeri ini negeri yang aman, maju lagi diberkati. Bukakanlah pintu-pintu rezeki dari segala penjuru. Kurniakanlah kepada kami nikmat kesejahteraan yang berterusan. Jauhkanlah negeri kami ini daripada segala malapetaka, musibah dan apa jua kemurkaan-Mu.

Ya Allah,

Anugerahkan pertolongan dan bantuanMu untuk saudara kami di Palestin. Berikanlah ketabahan dan kekuatan kepada mereka dalam menghadapi kekejaman rejim zionis. Peliharakanlah bumi Baitul Maqdis dan seluruh saudara kami di sana.

آمين يا الله، يا رب العالمين

رَبَّنَا آتِنَا فِي الدُّنْيَا حَسَنَةً وَفِي الآخِرَةِ حَسَنَةً وَقِنَا عَذَابَ النَّارِ.
وَصَلَّى اللهُ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَسَلَّمَ.
وَالْحَمْدُ لِلَّهِ رَبِّ الْعَالَمِينَ.

عِبَادَ اللهِ!

إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَى وَيَنْهَى عَنِ
الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ
فَاذْكُرُوا اللَّهَ الْعَظِيمَ يَذُكِّرْكُمْ، وَاشْكُرُوا لَهُ عَلَى نِعْمِهِ يَزِدْكُمْ،
وَلَذِكْرُ اللَّهِ أَكْبَرُ، وَاللَّهُ يَعْلَمُ مَا تَصْنَعُونَ.

قُومُوا إِلَى صَلَاتِكُمْ، يَرْحَمَكُمُ اللهُ.